

詩
說
考
略

詩說考畧卷八

海門成 俱左泉著

陳

宛邱東門之枌

漢書地理志

武王封嬀滿於陳妻以元女大姬婦人尊貴

好祭祀用史巫故其俗好巫鬼詩曰坎其擊鼓宛邱之下無冬無夏植其鷖羽又曰東門之枌宛邱之枌子仲之子婆娑其下此其風也吳札聞陳之歌曰風

無主其能久乎

李黃集新李迂仲曰子之蕩兮毛氏則以子爲大夫按此

詩專刺幽公毛氏以子爲大夫則以人君不可以稱子然觀山有樞之詩曰子有衣裳子有車馬言子者

蓋指晉昭公也晉昭稱子則知幽公亦稱子也

鄭箋子者

斥幽公也孔氏正義隱四年公羊傳公子羣謂隱公曰百姓安子諸侯說子是諸侯之臣亦呼若曰子迂仲援山有樞爲証亦本孔氏然如

朱子集傳說則皆非子其君也

范逸齋補傳

東門卽去苑邱之道路也枌也枌也卽道路

間之木也子仲氏之子既先往於東門之下則南方
原氏之女亦不復續麻而往會之舉二氏之男女爲
言則下此者可知矣古人姓氏率而存於經不得而
廢也如邱中有麻之留氏如桑中之姜氏弋氏庸氏
皆其類也或謂南方之原爲南方之原野則於文義
有礙且宛邱既自東門而出則在東而不在南矣必
無出東門而往南方之理意謂南方原氏之女來會
於東門之市井耳况春秋莊公二十七年公子友如

陳羣原仲則原爲陳大夫何疑之有

子仲原皆大夫氏子仲爲男原

氏爲女毛鄭之說也歐陽氏謂子仲之子莫可知其爲男女南方之原爲國南原野非陳大夫朱子集傳從之嚴氏讀詩質疑云兩章皆言女而未章視爾如取貽我握椒又爲男女相悅則於上下文之脈絡亦未見其爲妥貼也又竹章箋安其下次章市也箋語亦煩贅又原是郊原市乃市井一在國門之外一在國門之內既期會於南方之原又娑娑於國中在市娑之情事俱爲未合蓋首章之娑娑子仲之男也次章之娑娑原氏之女也未章越以證適乃道其男女之相悅贈物以結好也

按如地里志所云則此二詩當爲淫祀歌舞之

詩顏師古於值其鷺羽注曰舞以事神於娑娑

其下注曰歌舞以娛神鄭氏詩譜亦云大姬舞
子好巫覡禱祈鬼神歌舞之樂民俗從而爲之
觀詩所言非徒歌舞事神直自爲樂耳原其所
由蓋本於幽公幽公所以如此者又本於大姬
書曰敢有恒舞於宮酣歌於室時謂巫風言其歌
舞無節若巫覡然也惟巫覡常以歌舞爲事大
姬旣化而好之幽公又化而游蕩於宛邱之上
故其臣如子仲之子原氏之女亦化而婆娑於

粉糊之下蕪氏曰國之風俗各有所本晉有堯
之遺風而儉不中禮陳以大姬之餘而游蕩無
度亦理勢必然也

衡門

蘇氏詩
集傳

夫棲遲必大屋樂飢必飲食食魚必魴鯉取
妻必姜子則終身有不獲者故從其所有而爲之及
其至也雖天下之美無加焉不然雖有天下之至美
而常挾不足之心以待之則終亦不爲而已矣倍公

自謂國小無意於爲治故陳此以誘之

按序云誘僖公也愿而無立志故作是詩以誘
掖其君也蘇氏從序說朱子集傳則以此爲隱
居自樂而無求者之詩李迂仲曰學者於詩常
通於意言之表不可泥於文辭之末衡門之詩
雖以誘掖僖公之立志然亦可以爲學者處世
之道夫樓題數尺所安不過容膝食前方丈所
食不過一飽學者能三復衡門之詩所謂登其

食魚必河之魴豈其取妻必齊之姜則可以視
富貴如浮雲耳蓋集傳說較直捷故雖宗序者
時亦有所不廢也

東門之池

鄭箋

於池中柔麻使我績績作衣服興賢女能柔順君
子成其德教晤猶對也言淑姬賢女君子宜與對歌
相切化也

按朱子集傳此男女會遇之辭然淑女非妖冶

之稱晤歌晤語晤言亦非褻狎譁浪之態序云
思得賢女以配君子者得之

慕門

蘇氏詩
集傳

桓公之世陳人知佗之不臣矣而桓公不去

以及於亂是以國人追咎桓公以爲桓公之智不能
及其後故以慕門刺焉夫陳佗也佗之不良國人莫
不知之者知而不之去昔者誰爲此乎

鄭箋已
猶去也

范逸詩
補傳

佗桓公之弟也桓公卒而佗立明年爲蔡人

所殺佗當桓疾病殺太子而以已代之可謂不義陳
由是亂國人至於分散所謂惡加於民也序詩者不
以爲君直言陳佗蓋得春秋不稱爵書蔡人殺陳佗
之旨與書衛州吁鄭忽同也

李黃
集解

李迂仲曰天下之禍莫大於不善人得志於世

君以爲賢而信任之天下皆知其必至於禍敗而已
則不知也天下皆知而已獨不知則必至於顛倒而
後悔也申屠剛謂隗囂曰夫未至豫言固嘗爲虛及

其已至又無所及是以忠言正諫希得爲用也使人
君能於未至而聽納忠梗之言則天下安有顛倒之
患哉惟其事未至則忽而不信或指之以爲狂妄及
其已至雖能悟其忠而悔其不從則是噬臍爾唐明
皇天寶間李林甫以佞諛見用而張九齡以忠言見
黜當此時必以林甫爲賢而以九齡爲不才也及其
禍發幽陵身竄巴蜀乃知九齡之先見而悟林甫之
嫉賢妬能也豈非所謂顛倒思予者乎至於德宗用

一盧杞以致涇卒之變亦可悟矣猶謂盧杞非姦邪夫明皇德宗委仕非人以取播遷之辱其禍一也明皇猶能於顛倒之時而思予固無益於禍敗也然比德宗於顛倒之後而尚不悟則明皇爲猶賢也若德宗者真所謂下愚不移者矣

按序云刺陳佗蓋刺佗之不良而咎桓之不能去佗爾其謂無良師傅者非也毛鄭遂以夫也不良爲師傅之不良此矣朱子謂不知何所指然

初解亦從序說

防有鵲巢

歐陽氏本義 詩人刺陳宣公好信讒言而國之君子皆憂

懼及已謂讒言惑人非一言一日之致必由累積而成如防之有鵲巢漸積累成之爾又如茗饒蔓引牽連將及我也中唐有讒非一讒也亦以積累而成古鵲綬草雜衆色以成文猶多言交織以成惑義與具錦同

按序云憂讒歐陽氏從之其解與采葛畧同而
朱子皆以爲淫風過矣陳宜信讒史無明文子
貢詩傳謂洩冶被讒內子憂之而作說亦無據
唯史記宣公有嬖姬生子欸欲立之乃殺其太
子禦寇禦寇素愛厲公子完完惧禍及已乃奔
齊此與衛宣姜晉驪姬之事相似其間不無讒
賊詩人之憂或以此歟

檜

重氏九
經古義

王符潜夫論云檜在河伊之間其君驕貪苛
儉滅爵損祿羣臣卑讓上下不臨詩人憂之故作羔
裘閔其痛悼也匪風冀君先教也會仲不晤重氏伐
之上下不能相使禁罰不行遂以見囚余案節信此
言蓋本周書史記此高辛時有鄩之君非外傳檜仲
也是以汲郡古文云帝高辛十六年帝使重帥師滅
有鄩左史戎夫所云重氏伐之鄩君以亡是也世本
云陸終娶鬼方氏妹曰女嬪生子六人四曰求言是

詩譜卷之八
爲鄆人鄆人者鄭是陸終在高辛之後或因有鄆之
墟而封之後爲鄭武公所滅耳王符之說失之

按鄭氏詩譜云檜者古高辛氏火正祝融之墟
祝融氏名黎其後八姓唯妘姓檜者處其地焉
王肅云周武王封祝融之後於濟洛河潁之間
爲檜子是詩之檜卽高辛時之鄆但所謂重氏
伐之之君則非也或謂竹書紀年不足據然何
以逸周書適與之合而周武王旣封之後不問

有重氏伐之之事耶周室既東鄭武公繼桓公
爲平王司徒遂得虢檜之地而遷國焉則檜實
滅於鄭武公非滅於重氏也朱子集傳敘檜世
系云爲鄭桓公所滅則又因韓非子桓公襲檜
之說而誤矣至於引蕪氏以爲檜詩皆爲郕作
如邶鄘之於衛今攷蘇氏集傳並無此說蓋檜
與邶鄘不同邶鄘詩作於旣滅檜詩作於未亡
第以其國微弱故世次不可得而推耳豈可以

邶鄘例之哉

隰有萋楚

輔氏詩童子問人之有知所以爲萬物之靈也有家有室所

以異於物也今也政煩賦重不堪其苦反嘆不如物之無知無家室焉則不樂其生甚矣何爲使之至此極哉爲人上者宜有所覺矣

按此詩以朱子集傳爲直捷故輔氏發明其說如此序謂疾君淫恣而思無情慾鄭箋云萋楚

始生正直及其長大不妄尋蔓草木喻人少而
端慤則長大無情慾呂氏詩記畧變其說以蔓
楚枝柔牽蔓比人之多慾而以未有牽蔓之時
生意沃然者爲赤子之心至長有室家而後爲
所牽蔓嚴氏讀詩質疑從之然三章由枝而華
而實特取物之得遂生以見人之不聊生耳與
苔華知我如此不如無生同意義本不繫乎引
蔓也

匪風

李黃集解

李迂仲曰發發飄風非有道之風偈偈疾驅非

有道之車其意蓋謂今之風非有道之風故飄飄而
暴疾今之車非有道之車故偈偈然而疾驅非有道
之風者以其政教失而感動天地非時風也非有道
之車者以時之無道車之遲速無有節度也漢王吉
亦嘗引此詩而曰非風發兮是非古之風也發發者
匪車偈兮是非古之車也偈偈者其說亦與毛氏同

據此但言匪風匪車而毛氏以爲非有道之風非有道之車是強增有道二字非詩人之本意王曰上之所以動而化之非其道故曰匪風發兮匪風飄兮下之所以載而行之非其道故曰匪車偈兮匪車漂兮其謂風以喻上之動而化車以喻下之載而行固與毛氏異然謂非其道則亦毛氏之曲說程氏曰匪風不和之風也匪車不法度之車也風者天之動以興上之政車者民所爲以興下之俗其意以爲上政之

亂如風之不和民俗之乖如車之無法其說與王氏
無以異是強以上下而分別之則其取譬爲勞而不
甚簡徑至以匪風爲不和之風匪車爲非法度之車
亦是強增不和無法等字也歐陽曰我顧瞻徂周之
道欲往告以所憂而不得往者非是爲風之飄發非
是爲車之漂偈而不安我中心自有所傷怛而不寧
也據此說是又以周道之道爲道路之道字據此詩
以國小而思周道則周道不應爲道路之道也唯蘇

氏曰非風也而乃至發發非車也而乃至偈偈是以
顧瞻周道怛然傷之也此說爲勝蓋言風則發發今
非風也而發發車則偈偈今非車也而偈偈甚言其
政之亂也其解匪風匪車二字方爲簡勁至于取喻
又得詩人之意

按匪風匪車二句卽匪兇匪虎率彼曠野之意
言政亂而人不安也張子曰人之不安常如在
風中車上語尤簡爽

言言
鄭周道周之政令也

按序云思周道自指文武之治道言諸家以爲
適周之道者非也范逸齋謂思周建國親侯之
道時鄭將欲減檜於當日時勢亦合

毛

亭魚煩則碎治民煩則散知亭魚則能治民矣

按歐陽本義云毛傳惟以老子烹小鮮之說解
烹魚二字至於漑之釜鬻則無所說張子曰漑
之釜鬻漑沃之使水多也水寬則魚不壞政亦

務寬其說蓋與毛傳相發明矣

曹

候人

毛侯人道路送迎賓客者何揭設爻也言賢者之官
不過候人

孔氏正義夏官序云候人上士六人下士十有二人史六

人徒百有二十人注云候人迎賓客之來者彼天子
之官候人是上士下士則諸侯之候人亦應是士此

說賢者爲候人乃身荷戈祓謂作候人之徒屬非候人之官長也天子候人之徒百二十人諸侯候人之徒數必少於天子賢者之身充此徒中之一員耳其職云候人各掌其方之道治與其禁令以設候人注云禁令備奸寇也以設候人者選士卒以爲之引此詩云彼候人兮荷戈與祓言以設候人是其徒亦名爲候人也鄭言選士卒爲之卽引此詩明知此詩所陳是彼候人之士卒若居候人之職則是官爲上士

不以身荷戈祲不得刺遠君子以此知賢者所爲非
候人之官長也

范逸齋
補傳

內君子而外小人泰之象也內小人而外君
子否之象也候人之官遠在邊境所掌者何戈與祲
之役而使君子居之赤芾者卿士之服常在君側而
使小人居之是內小人而外君子也故序以遠近言
之曹之爲國視此可知矣

按范氏補傳從毛傳說所謂遠君子而近小人

也朱子集傳云候人而何戈與祿者宜也彼其
之子而三百赤芻何哉是專謂近小人也李迂
仲黃實夫嚴思菴皆從毛氏程氏蘇氏則謂候
人者欲其守疆場而已而其公既寵之乃使服
卿大夫之服至於三百之多夫候人微官爾曹
國之小不應有三百之多此說非也左傳晉文
公入曹數之以其不用倍負羈而乘軒者三百
人晉文入曹正當其公之世序云刺其公與左

傳合則所謂三百赤芾者正指乘軒三百人言也大夫乘軒豈候人之謂乎

魏志

鵲集靈芝池魏主丕曰此詩人所謂汗澤也曹

詩刺共公遠君子而近小人今豈有賢知之士處下位乎否則斯烏胡爲而至宜博舉雋德茂才以答曹人之刺

鴈鳩

蔣氏五經

變風陳檜曹三國皆言其國小無政不久滅

亡之狀不應曹風乃有鵲鳩所美其人之德盛大如
許今詳詩文非惟三國所無實十三國風中所無惟
淇澳美衛武之德辭語畧相近如所謂充耳琇瑩會
弁如星寬兮綽兮猗重較兮與其帶伊緜其弁伊騏
語相類有斐君子瑟僖赫喧與淑人君子其儀一兮
其儀不忒語相類然正是四國一語雖衛武之賢亦
未敢當詳味詩人所稱決非爲曹國君臣及春秋十
三國君臣而作反覆玩味唯周公之德足以當之竊

料曹風與豳風聯屬疑豳風脫誤在此耳於是參攷
豳風如所謂其儀一分其儀不忒與赤舄几几德音
不瑕語相類其帶伊絲其弁伊騏與袞衣繡裳語相
類正是國人正是四國與四國是皇語相類若引此
詩置之破斧之下九戩之上其爲稱周公之德無可
瑕議者今姑作美周公解於後○鵬鳩一母而其子
七以喻周公一身而爲萬方所倚賴母常在桑而子
每異木以喻周公常居冢宰之位而所賴於周公以

爲安養者則或遠或近或上或下或內或外固非一
所也所賴於周公者雖有遠近內外之殊而周公推
其安養之道以及之則一視同仁初無遠邇彼此之
間也且周公撫安斯世之心念之不忘有如罔結又
豈有一誠之或緩哉此首章之意也二章專言其服
飾之美蓋人樂其德故見其冠帶之尊嚴美好而誦
之以見德稱其服耳三章言其正己而天下化之實
大人之德也四章承上章之意復祝其壽所謂國人

乃四國之人也抑萬年之稱乃臣下頌禱天子之辭
人臣不敢當周公雖未踐天子之位其實攝行天子之
事利澤及於天下真足以當聰明元后作父母之任
故人亦以非常之福祿祝之良非僭語也由是一語
推之其爲美周公而作益信矣

按序云鴈鳩刺不一也而朱子集傳則以爲美
君子之詩攷大學經解荀子呂氏春秋引此詩
皆指德配天地利兼萬物成其身而天下成治

其身而天下治者言蔣仁叔謂幽風脫誤在此以爲頌周公之詩雖未可定要其爲美詩而非刺詩則明矣曹叔振鐸文王之子謨烈顯承實親見之其所以開國承家沾被爽葉者宜深且厚且其封域在雷夏荷澤之野堯舜之遺風猶有存焉此詩疑爲老臣舊族以文獻世其家者本先聖王治天下之道以發爲詠歌之作所謂懷舊之蓄念思古之幽情也聖人錄此詩於匪

風下泉之間撥亂世反之正其意深矣

豳

月 籥章仲春書擊土鼓飲豳詩以逆暑仲秋夜迎寒

亦如之凡國祈年於田祖則飲豳雅擊土鼓以樂田

畯國祭蜡則飲豳頌擊土鼓以息老物

鄭氏注

豳詩豳

風七月也七月言寒暑之事迎氣歌其類也七月又

有于耜舉趾饁彼南畝之事是亦歌其類謂之雅者

以其言男女之正也七月又有獲稻爲酒躋彼公堂

稱彼兕觥萬壽無疆之事亦歌其類也謂之頌者以其歲時人功之成

酒亭林曰知錄

國詩不屬於國風周世之國無國此非太師

所採周公追王業之始作爲七月之詩兼雅頌之聲而用之所報之事箴章逆暑迎寒則獻幽詩祈年於田祖則獻幽雅祭蜡則獻幽頌雪山王氏曰此一詩而三用也謂箴章之幽詩以鼓鐘琴瑟四器之聲合箴也笙師獻等笙塤箴簫篪筦春牘應雅凡十二

器以雅器之聲合樂也。𦣻𦣻播鼗擊頌磬笙磬凡四器以頌器之聲合樂也。凡爲樂器以十有二律爲之數度以十有二聲爲之齊量。凡和樂亦如之。此用七月一詩特其以器和聲有不同耳。鸛鳴以下或周公之作或爲周公而作則皆附於豳焉。雖不以合樂然與二南同爲有周盛世之詩。非東周以後列國之風也。

按鄭箋豳詩以應邠箴分殆及公子同歸以上

爲豳風爲此春酒以介眉壽以上四章爲豳雅
稱彼兕觥萬壽無疆以上爲豳頌孔穎達疏之
曰述其政教之始則爲豳風述其政教之中則
爲豳雅述其政教之成則爲豳頌其說與周禮
註似畧異而分一篇爲風雅頌則同鄭氏世治
周禮必有所本而顧亭林獨取王氏之說於義
亦通故並錄之或謂楚茨信南山大田甫田是
豳雅思文臣工噫嘻豐年載芟良耜等篇是豳

頌然楚茨四篇如序說皆刺幽王如集傳說則
或主廟祭或主報賽唯甫田有琴瑟擊鼓以祈
甘雨之文而周禮又不言有琴瑟之樂思文配
天臣工噫嘻戒田官序一爲助祭一爲祈穀惟
豐年載芟良耜專言農事而序說集傳互有異
同亦皆於蜡無與且雅頌各篇絕無可證其爲
邇之處此朱子所以謂其說可通而不敢信也
或謂旣名雅頌當非七月之詩蓋若九夏亡之

矣鄭漁仲曰豳風七篇自鴝鵒以下六篇皆非
豳事獨七月一篇豈足以當一國之事周禮有
豳雅頌豈不謂有豳詩而今因之乎故齊魯韓
三家之詩皆無七月篇然則豳詩有亡者不可
得而知之也夫謂豳雅頌或亡說尙近情至并
豳風而疑其有亡則妄甚矣且鴝鵒以下六篇
不繫於豳而安繫耶

七月

張子詩說 七月之詩皆以夏正爲斷

劉氏詩傳通釋 凡詩中月數皆以寅月起數不特此詩爲然也

按詩川夏正先儒皆無異說獨以正月繁霜十月之交爲周正耳然朱子集傳於正月釋爲正陽之月而十月仍從蘇氏說以爲純陰之月鄭漁仲謂正月繁霜十月之交注以夏四月八月皆非也二詩同出小雅何以獨用夏正王氏困

學紀聞曰詩小傳云詩有夏正無周正獨謂十月之交爲周正可乎漢歷幽王無八月朔食而唐歷則有之識者疑其附會而爲此也愚案正義謂校之無術而大衍歷日蝕義云虞廟以歷推之在幽王六年虞廟造梁大同歷非始於唐也鄭箋謂周之十月夏之八月故歷家因之孫莘老解春秋用鄭說謂八月秋之分日食秋分而詩人醜之安得曰分至不爲災也蘇子山陳

少南皆以十月爲陽月朱文公從之宋書禮志
載魏史官之言曰黃帝顓頊夏殷周魯六歷皆
無推日蝕法但有攷課疏密而已嘗攷通鑑皇
極經世秦始皇八年歲在壬戌呂氏春秋云維
秦八年歲在涪灘申歷有二年之差後之算歷
者於夏之辰弗集房周之十月之交皆欲以術
推之亦已疏矣沈存中云日食正陽之月先儒
止謂四月非也正謂四月陽謂十月子由說與

存中同據此則詩用夏正前人之論詳矣萬充
宗則謂詳玩詩文惟七月主夏時餘俱主周時蓋
七月陳王業后稷公劉皆夏時諸侯故就夏時
立說其於十一月十二月避不成辭故就陽生
而言日也十月序云大夫刺幽王也朱子以夏
時言蘇氏謂十月純陰故稱陽月日有食之陰
壯之甚古尤忌之子謂不然昏義曰男教不修
陽事不得適見於天日爲之食日食則天子素

服而修六官之職蕩天下之陽事是凡日食皆
爲變也故春秋必書莊二十五年夏六月日食
左傳稱惟正月之朔己隱未作日有食之於是
乎用幣于社伐鼓于朝其餘則否昭十七年夏
六月日食太史曰正月此月也日過分而未至
三辰有災於是乎百官降物君不舉辟移時樂
奏鼓祝用幣史用詞由是觀之日食皆爲災而
在正陽巳月爲尤甚未聞以純陰亥月並言也

班固五行志釋正月爲正陽純乾之月杜預亦
云正月正陽之月也夏四月周六月蘇氏誤分
正陽二字以正爲己月陽爲亥月而附會此詩
以爲夏正之十月不唯不合班杜且違左傳特
異正月不異餘月之義故知十月之交卽周建
酉之十月不必指爲夏正之十月也當是時幽
王失道亂亡已微西周震矣三川竭夾岐山崩
矣豔妻煽處災變頻仍而主昏日甚忠臣義士

痛結于中無所控告適因日食之變遂舉爲諷
刺之端以舒其憤懣不平之氣遑計其月之爲
陽與非陽災之尤甚與非尤甚也哉愚以爲卽
無此日食西周亦必亡其詩必別有所託以爲
端也奈何泥十月之爲亥月耶四月序曰大夫
刺幽王也在位貪殘下國構禍怨亂並興焉據
此則其詩所言時令乃周時非夏時也何以見
之就夏時以言則順序而無愆不足以寓其隱

刺惟于周時則見其乖錯反常爲災實甚故所
謂四月卯月也六月巳月也卯月爲首夏至于
巳月巳漸暑矣而反若暑之既往陽舒不勝陰
慘外紀載幽王九年有六月隕霜之異詩有正
月繁霜之變殆其時乎所謂秋午未申月也時
陰始微萌陽猶盛達炎暑未退涼風尙遲乃反
淒淒然至百卉之具腓吾知其戾矣所謂冬酉
戌亥月也時宜漸寒而日反烈烈非愆陽乎臣

工序曰諸侯助祭遣于廟也朱子云戒農官之
作齊詩其詩上云維莫之春下云如何新畊則
莫春非寅月而何若以爲夏之三月則歷稽經
傳告戒農功未有如此之晚者說者泥于來牟
將受二言以爲此建辰之月不知以爲將受猶
是方來而未熟之詞言之於辰月言之於寅月
亦無不可也朱子釋論孟言時月者皆從周正
獨詩注皆言夏時蓋其晚年有周正不改時月

之說謂論孟注爲未定之言嘗以語門人晏淵
故蔡氏書注亦受意於朱子而於商書之元祀
十有二月周書之十有三年春皆以夏正言之
自是而後主夏正以言春秋者若程時叔之木
義黃東發之日抄皆本詩書之注晏氏之傳力
言周無改月改時之事噫武有天下改正建子
則周人之詩斷無不從周正者如六月小明朱
子皆就夏時言予謂朱子於六月援司馬法冬

夏不興師以見此六月興師爲急於獵狁夫司
馬法所言夏卽括犂夏時之夏然謂此六月爲
周之六月亦夏時之四月也庸非夏乎夏正周
正均皆夏也則興師皆爲急務矣奚必泥夏時
而爲說耶小明首章云二月初吉次章云日月
方除三章云日月方與朱子釋爲夏正於除日
除舊生新於與曰暖夫夏時之二月卯月也何
舊可除何新可生且時方仲春安得爲暖故知

此二月乃周正建丑月也所謂日月方除者除有去義子月中日南至丑月則日去南陸而行北陸也日月方與者與室西南隅也堯典冬時厥民隩謂亥子丑三月氣寒民聚居室內周正二月正堯時季冬民皆隩處之時日月正南大寒之候也况采蕭穫菽夏正九月十月事也而詩言歲暮非周正而何朱子於諸詩皆以夏正言故於二詩亦從其類蓋其晚年所見之偏後

之儒者舍其論孟不刊之說堅守詩注傳說之言紛紛致辨使湯武改正大義反因之而晦亦可謂不善承師說矣萬氏之論如此信乎發前人所未發者余不敢遽援以易前人之義故附識於此要之改正之說最難畫一周正建子改月改時孔安國鄭康成之說也程伊川胡安國以爲改月而不改時蔡九峯以爲時月俱不改鄭樵仲謂六經皆用夏正至以左傳謂春秋用

周正爲非此聚訟所以不決也嘗合羣經攷之
春秋之用周正固然卽周正之改月改時亦有
歷歷可證者孟子言七八月之間旱則苗稿矣
朱子以爲七月八月者五月六月也若非五月
六月何云苗稿孟子又言十一月徒杠成十二
月輿梁成朱子以爲十一月十二月者九月十
月也若非九月十月築作之期已過何得更造
橋梁春秋書雩者二十其時皆七八月九月蓋

周之七八九月乃夏之五六七月正百穀望雨之時故雩祀以求之此與朱子所釋苗稿之說合國語單子過陳篇述夏令曰十月成梁蓋夏之十月乃周之十二月此與朱子所釋與梁之說合明堂位言季夏六月以禘禮祀周公於大廟夫禘在孟夏四月而言季夏六月是以孟夏爲季夏以四月爲六月矣郊特牲言歲十二月合聚萬物而索饗之夫蜡祭在十月而言十二

月是以十月爲十二月矣泰誓言十有三年春
大會于孟津武成言一月戊午師渡孟津考律
歷志泰誓之春其實是冬此年冬至在戊午之

明日是以冬爲春以十一月爲一月矣

商正建
丑亦時

月俱改商書元祀十
有二月亦非夏正

且春秋書春無冰秋無麥

謂時不改何以冰在春而麥在秋孟獻子言正
月日至可以有事於上帝七月日至可以有事
於祖謂月不改何以冬至在正月而夏至在七

月更攷歷法昭公七年四月甲辰朔日食于降
婁之初則夏之二月也昭公三十一年十二月
辛亥朔日食在龍尾則夏之十月也梓慎曰火
出於夏爲三月於商爲四月於周爲五月此尤
其明白易見者也或曰夏數得天百王所同周
雖改月改時而巡守烝享仍從夏令然歟曰然
是見於周禮者可考也太宰云正月之吉始和
乃縣治象之法使萬民觀治象小宰云正歲率

治官之屬觀治象之法以及十二月斬冰仲冬
教大閱之類皆夏正也舊注以正月之吉爲周
正子月以正歲爲夏正寅月宋葉文康公反之
謂子月在寅月前令官先觀於前而後令民觀
之一定之次故以正歲爲周正以正月之吉爲
夏正然據凌人正歲十有二月令斬冰及氐校
掌安宅敘降正歲行事實聯占夢季冬聘王夢
爲言不得謂是周正子月也至舊注以正月之

吉爲子月亦恐不然仲冬時方冷冽安得取義
和治是直與月令和令相反矣則所謂正月者
疑猶然夏正也參觀各書竊意周官正月之吉
正歲均屬夏正寅月以其始和布令則曰正月
之吉以其歲首行事則曰正歲名異實同無容
歧視此則所謂授時用政猶自夏曆者也安得
據此以爲諸經皆用夏正且疑周正之不改時
月哉然則朱子亦致疑於改月不改時何也蓋

以金縢所言秋大熟未穫正合夏令耳然以豳
風八月其穫觀之則金縢之未穫安知不指申
月卽如曾子言秋陽以暴之夫日莫烈于夏而
曾子言秋蓋以午未申之月爲秋也此亦改時
之一證也知周正之改月改時則知萬氏周詩
用周正之說不誣矣

周學
紀聞

豳風於十月云曰爲改歲言農事之畢也祭義
於三月云歲既畢矣言農事之畢也農桑一歲之大

務故皆以歲言之

按呂氏詩記云十月而曰改歲三正之通於民俗尚矣周特舉而迭用之耳劉氏詩傳通釋云夏書有怠棄三正之語則自夏以前已有子丑之正是三正通於民俗其來已久此說非也改歲繫於十月之後者特謂大寒將至故穹窒熏鼠塞向瑾戶爲將來卒歲之計耳豈謂一過十月卽是來歲乎至夏書所云三正孔傳本謂天

地人三才之正道初無子丑寅之說蔡九峯以子丑寅爲三正未可據爲定論也蓋改正始於商咸有一德云爰革夏正易革之象曰湯武革命象曰君子以治歷明時是商周以前未有也三皇之事吾不得而詳五帝以來有可稽矣孟春正月朔旦立春會于天歷之營室是顓帝之歷建寅也析因夷隲始以仲春終以仲冬是堯帝歷建寅也舜之正月元日禹之正月朔旦無

非建寅也。董仲舒乃謂神紀堯改正朔然當日
分巡四岳必按四仲非建寅而何。后稷公劉實
當虞夏之際故七月陳王業皆主夏正安得參
以三正迭川之說耶。曹氏曰此詩幽人用夏正
而於十月言改歲者蓋其俗素以禾熟記歲功
之成殘歲無復事矣故歲雖未終而謂之改歲
也其說與困學翁合但謂周人遂本此以十一
月爲正亦似泥。

鵙鵙

昔孔氏傳周公攝政管叔及蔡叔霍叔放言於國以誣周

公以惑成王孺子成王辟法也周公告召公太公言
我不以法法三叔則無以成周道告我先王周公既
告二公遂東征之二年之中罪人斯得成王信流言
而疑周公故周公既誅三監而作詩解所以宣誅之
意以貽王

賦陽詩本義管蔡旣言周公東征誅之懼成王之怪已乃

作鴟鵂詩以貽王此金縢之說也其義簡直而易明
鄭乃謂成王居喪不言周公以冢宰聽政而二叔流
言夫冢宰聽政乃是常禮二叔何疑而流言也金縢
言周公居東二年罪人斯得謂東征二年而得三監
淮夷叛者居之爾鄭乃謂周公避居東都者二年成
王多得周公官屬而誅之夫周公本以成王幼未能
行事遂攝政若避而居東則周之國政成王當自行
之若已能臨政二年何又待周公歸攝乎使周公出

言說才具 卷八
避成王能以法刑其尊親大臣之屬周公復歸其勢
必不得據且周公將以何辭奪其政而攝乎矧周公
誅管蔡前世說者都同而成王誅周公官屬六經諸
史皆無之可知其臆說也

曹氏
詩說 蔡仲之命曰惟周公位冢宰羣叔流言乃致辟
管叔於商金縢之弗辟蔡仲之命之致辟其爲誅殺
一也夫武王與周公共致天下方集大統以全盛之
神器付之孺子以有周公故也而羣叔挾仇敵外叛

周公作其顧託豈當畏避小嫌坐視宗社之顛覆哉
其曰我之弗辟我無以告我先王蓋言先王以此顧
託於我我不討定其亂則無以告我先王苟爲避之
而已何用告我先王而東山之役又何用戰士爲哉

李黃
集解

李迂仲曰諸家多以室爲周室無足疑者鄭氏

以喻此諸臣乃世臣之子孫其父祖以勤勞有此官
位土地今若誅殺之無絕其位無奪其土地鄭氏以
管蔡流言周公居東二年而罪人斯得成王多得周

公官屬而誅之故周公告之謂既誅殺則無絕其位
奪其土地蓋以官屬世臣之子孫以父祖之勤勞方
有官位土地亦如鴈鵠之愛其巢王肅破之曰按經
傳內外周公之黨俱存成王無所誅殺橫造此言其
非一也設有所誅不赦其無罪之死而請其官位土
地緩其大而急其小其非二也設已有誅不得云無
罪其非三也歐陽亦破之室者周室也鄭氏以爲官
屬之世家非也

朱子集傳

周公東征二年乃得管叔武庚而誅之而成王猶未知周公之意也公乃作此詩以貽王

此上皆以鴟鵂爲作於武庚既誅之後者

孔氏正義

鄭以爲武王崩周公爲冢宰三年服終將欲攝

政管蔡流言卽避居東都成王多殺公之屬黨公作鴟鵂之詩救其屬臣請勿奪其官位土地及遭風雷之異啟金縢之書迎公來反反乃居攝後方始東征管蔡

李黃
集解

黃實夫曰此周公避流言于東而作詩以貽王

也夫流言四出而成王未悟此人之所不堪而事之
最難處者而周公乃雍容不迫託於詠歌陳祖宗艱
難之業而言其憂國勤勞之志微諷其君而使之自
悟未嘗有拂然之辭也前輩謂君臣之分譬如父子
若子遭譏被譴惟有恭順謹畏三諫號泣起敬起孝
而冀其父兄之自悔此知周公之心者也先儒謂救
亂者乃周公被流言之變振兵而誅流言之黨夫成

王方疑周公而周公遽握兵以出是益滋四國之謗也亦豈臣子所當爲乎金縢言我之弗辟我無以告我先王陸德明以辟字爲扶亦切周公以法治流言之罪此說最害理不如鄭氏以辟爲避蓋周公攝政羣乃流言於國周公不得不居東以避罪耳天動威而成王悟金縢敢而袞衣歸出郊之迎已見於金縢之末而伐三監之事乃方見於大誥之書則流言之罪當在成王既悔之後非周公方被流言而遂專握

兵而往也嗚呼武庚懷不逞之謀而發於管蔡失道
之隙則三監之叛非叛周公也乃叛周也周公慮成
王之不知而爲逆臣之所誤故作鴟鴞之詩以喻之
其意謂周自后稷開基公劉篤烈太王肇基王迹王
季勤勞王家文武經營內外之治武庚既逞其奸於
管蔡而復欲并王室而毀之鴟鴞者指武庚也子者
指管蔡也我室者謂王室也使成王而知此則庶乎
亂可止矣故曰救亂也

朱子覆蔡氏書說

弗辟之說只從鄭氏爲是向董叔重亦辨此時信筆答之謂當從古注說後來思之不然三叔方流言周公處骨肉之間豈應以片言半語遽然興師以征之聖人氣象大不如此又成王方疑周公周公固不應不請而自誅之若請之於王亦未必見從雖曰聖人之心公平正大區區嫌疑似不必避但舜避堯之子禹避舜之子自是理合如此或謂周公居東不幸成王終不悟不知周公又何如處愚謂公亦

惟盡其忠誠而已矣

詩蔡氏傳

辟讀爲避鄭氏詩傳言周公以管蔡流言辟居

東都是也漢孔氏以爲致辟於管叔之辟謂誅殺之也夫三叔流言以公將不利於成王周公豈容遽興兵以誅之耶且是時王方疑公公將請王而誅之耶將自誅之耶請之固未必從不請自誅之亦非所以爲周公矣居東居國之東也鄭氏謂避居東都未知何據孔氏以居東爲東征非也方流言之起成王未

知罪人爲誰二年之後王始知爲管蔡此云二年東
山之詩言自我不見於今三年則居東之非東征明
矣蓋成王因風雷之變既親迎以歸三叔懷流言之
罪遂脅武庚以叛成王命周公征之其東征往反又
自三年也

許白雲集
傳名物鈔

按傳以鷖鴟之詩爲誅武庚後作蓋以周

公居東爲東征也其原皆因金縢我之弗辟之辟讀
爲致辟管叔之辟故其說如此亦朱子早年之說也

言言二一ノ
及後與蔡仲默論書手帖則曰弗辟之說只從鄭氏
爲是今書說悉已改定而詩傳乃若此者未及改也
若從避音而以前說求詩則聖人之心與當時事勢
之實皆可見矣

此上皆以鴟鴞爲作於武庚未誅之先者

按管蔡流言語侵成王周公是時鼎社初定殷
遺未靖非卽絕其禍萌天下安危未可知也故
辟字作致辟解與事勢較合然鄭氏讀辟爲避

黃實夫詩解朱子覆蔡氏書說推闡詳盡義極正大但謂成王誅周公官屬周公作詩以救其屬臣則說近無稽宐爲歐陽公所詆且以東爲東都時洛邑未營安有所謂都耶許氏謂從避音而以前說求詩如黃實夫之說是也金仁山曰惟居東故可以忠告向使居中秉國則成王益深不利之疑雖吐赤心其孰能信之又曰鴟鵂之詩其情危其辭急蓋有以憂武庚之必反

王室之必搖也夫昔也武庚以周公利權間三
叔而今也奄君又以周公見疑嗾武庚則躑躅
之變勢所必至故周公汲汲爲成王言之爲鳥
言以自喻或以喻先王也曰鴟鴞鴟鴞既取我
子謂其已誘管蔡也毋毀我室謂其勿更搖毀
王室也恩斯勤斯鬻子之閔斯傷管蔡也二章
言先王創業之備固也今此下民孰敢侮予微
管蔡之內叛武庚之外連則固未易侮也三章

言先王之勤勞也四章言王室之孤危外患之
必至其辭不得不急也既而成王悟周公歸管
蔡武庚卒於叛蓋其叅謀造禍非一日矣其解
義亦極穩洽然拘於避字之說遂并東山序所
謂東征者附會以爲東行非東伐則失之矣

東山

鄭箋成王既得金縢之書親迎周公周公歸攝政三監
及淮夷叛周公乃東伐之三年而後歸耳

詩自雲集
傳名物鈔

舊說周公東征誅管蔡歸而作朱子謂成

王感風雷之變而迎周公於是周公東征三年矣歸
作此詩于金子曰周公出避居東而歸其民周公采
邑之民東征乃東行非東伐也若異日東征之事成
王爲主天子之六師設有勞歸之詩則當爲雅而不
在關風矣愚詳味詞意恐果東伐歸後之詩其證有
三東征之役固成王親行而傳謂周公伐奄三年討
其君是周公亦行矣其期正與於今三年相應一也

誅管蔡伐奄蓋嘗有戰陳之勞矣居東未嘗戰而此
曰勿士行枚二也先儒謂三代雖改正朔而月數未
嘗易然則詩書以月言者皆夏正之月也多方稱五
月丁亥王來自奄至于宗周古者師行日三十里則
行役歸途在三四月間也成王迎周公乃在秋熟未
獲之時詩稱十月獲稻則周公歸在九月間也而東
山草木蟲鳥皆夏月氣象三也若成王主兵勞詩不
當在豳風則當時以周公之作例附之七月諸詩亦

未可知也况風雅音節各有不同乎朱子嘗言之矣
但周公居東有二自流言之行公則避而居東二年
有風雷之變而迎公以歸然後作大誥東征三年而
歸此詩則作於東征而歸之時也

按此詩自我不見於今三年蔡氏據以破孔傳
居東卽東征之說而謂居東卽東征者曰二年
而得罪人因其罪之輕重而行法至於歸周則
三年矣或曰東征之役凡二年其往來首尾則

三年蓋各從其義也

破斧

花逸齋補傳

凡詩言四國皆謂四方之國也說者以四國

謂管蔡商奄而淮夷亦在叛國之數乃不及之則知其非矣蓋管蔡毀周公而四方之國從而播揚故謂之流言是詩美周公能討叛人而惡四國之人不知周公之忠若謂指管蔡商奄則狼跋之序不當謂遠則四國也

按四國以范氏說爲是李迂仲謂淮夷木卽奄也合而言之則爲淮夷分而言之則爲奄淮夷引逸書序所謂東伐淮夷遂踐奄爲證以爲不得分而爲二未免曲附毛氏矣

嚴氏詩解

詩人言兵器必曰弓矢干戈矛戟無專言斧斨

錡鉞者斧雖兵器所用而以斨並言乃幽民所用以採桑者又錡爲鑿屬鉞爲木屬以類言之知皆非兵器矣周公奉王命以討罪有征無戰又遲之三年不

爲急攻之計未嘗從事於戰陣唯行師有除道樵蘇
之事斧斨之用爲多歷時之久則必繁故此詩言管
蔡之亂何能爲哉但能破我斧缺我斨而已其兵器
原無損也舊說謂破斧缺斨爲戰陣殺戮之多至於
如此東山序云一章言其完孔氏云東征無戰陣然
則破斧缺斨非爲戰也周公提王師以臨小醜若用
其兵力一鼓滅之何待三年乎觀尙書所載周公之化
商勤拳懇惻如父兄之愛其子弟眞所謂哀我人斯

也苟殺賊之多至於破斧缺斨則是與之血戰而僅勝之亦疲弊甚矣故血流漂杵孟子所不信揮刀紛紜韓氏之陋也

按張子云四國首亂烏能有爲徒缺破我斨斧而已此嚴氏說所本也毛傳謂斧斨民之用禮
斨國家之用其意以喻四國之君廢其禮義與
其國用是其君爲大罪攷序文無禮義之說詩
人引類比物以斧斨爲禮義其事不類鄭氏謂

四國流言旣破毀我周公又損傷我成王以斧
比周公以斨比成王則取喻更爲失類歐陽公
辨之當矣然木義云斧斨刑戮征伐之大用也
四國爲亂周公征討之凡三年至於斧破斨缺
然後克之其難如此則似不及嚴氏之說於常
日情事較合且於王者有征無戰聖人不戰屈
人之義爲尤協也

狠跋

歐陽詩
本義

據序言遠則四國流言近則王不知而周公
不失其聖攷之金縢自王啟鑰見書之後悔泣謝天
遂迎公以歸是已知公矣而狼跋詩序止言王不知
則未啟金縢以前攝政之初流言方興管蔡未誅而
周公居東都時所作之詩也康成乃言攷太平復成
王之位又爲之太師終始無愆皆是已迎公歸後事
與序所言乖矣至於公孫碩膚又以孫爲遁謂周公
攝政七年之後遁避成功之大美而復成王之位因

以遂其謬說可謂惑矣毛傳跋胡疋尾是矣而謂公孫爲成王是幽公之孫亦已疎矣是詩本美周公而毛謂成王有大美又不能解赤舄之義固知其疎謬矣然鄭皆釋碩膚爲美此其所以失也膚體也碩大也猶言膚革充盈也孫常讀如遜順之遜言和順其膚體從容進退履舄几几然舉止有儀法也

按歐陽公以鄭箋爲乖序義嚴思菴讀詩質疑亦同此說范逸齋補傳則謂詩序言周公攝政

遠則有流言近則王不知此推本其初而言觀
詩之所詠乃周公東歸及復辟後事故曰德音
不瑕謂其終始無瑕也不失其聖之語亦合終
始而言蓋又參序與箋而融貫之於理亦通至
毛傳以公孫爲成王則誠■如歐陽所譏乃蘇
氏又曰公孫周公也與劉公是七經小傳同夫
披斧九戢皆已明言周公不應此詩復假公孫
爲稱室嚴氏謂與毛傳同其迂曲矣本義訓公

孫碩膚二句李迂仲取之嚴氏又以爲杜撰甚
矣說經之難也

詩說考畧卷八終